

Gunghcwngz: Yauzcuz Cauhgyongraez Foux OK Mbanjyauz Vuenyungz Saedcej

恭城：瑶族长鼓操 舞出瑶乡幸福生活

3 nyied 27 hauh, Gunghcwngz Yauzcuz Swciyen youq aen yienh neix Vwnzvuj Gvangicangz banh Yauzcuz cauhyongraez baijyienj hozdung, ca mbouj geijlai cien boux lwgnyez bouxlaux caemhdaiz doxdax, nauhyied raixcaix, yinx ndaej haujlai hekyouz caeuq bouxgyaez ingjsiengq daeuj ngonzyawj daejniemh. Gaenh geij bi neix daeuj, aen yienh neix yawjnaek vatcimh caeuq swnjcienz minzcuz vwnzva, aeu minzcuz vwnzva yungzhaeuj daengz yanghcin、segih、hagdangz caeuq mbanj, gaenjmaed giethab minzsuz youzcet, baijyienj le gij yienghsiengq saedcej cingsaenz Mbanjyauz vunzlai gaenxmaenx doxhwnj. Ciuq cam rox, dangqnaj aen yienh neix gaenq miz 12 aen hanghmoeg ndaej liedhaeuj si gaep feihvuzciz vwnzva yizcanj daibyausing hanghmoeg mingzloeg.

(Liengz Veih/梁辉)



► Lwgnyez foux cauhyongraez.



▲ “Sahfuz” cunzbyaij.

Lungzswng Mbanjdung Angq-hoh Conzdungj “Ciet Caeqsah”

龙胜侗寨欢度传统“祭萨节”

3 nyied 23 hauh, Lungzswng Gak Cuz Swciyen Lozgyangh Yangh Baujcwng Cunh banh conzdungj “ciet caeqsah” moix bi gvaq baez haenx. Ngoenzhaenx, geij cien boux beixnuengx Duncuz daenj buhvaq ngoenzciety gyaueget ronghsag doxcomz youq giz haenx, haiguh conzdungj caeqsah、ciengq golaux Duncuz、aenvenz caijdangz daengj minzsuz hozdung gig miz daegsaek haenx, cungfaen baijyienj gij yinxdaeuz daegbied caeuq gij goekdaej vwnzva naekna Duncuz. Hozdung yinx ndaej le haujlai hekyouz caeuq dangdieg vunzlai daeuj roxyiuj gij minzcuz vwnzva vunz Ranzdung “caeqsah” gaeuqgeq saenzgeiz caeuq yenzswnghdai haenx.

Ciuq cam rox, “ciet caeqsah” dwg fungsug daij Duncuz mehmbwk sicuz sevei seizgeiz ce roengz-daeuj, youq dieg Duncuz cijmiz ndwencieng youqgaenj gvaq de. Ngoenzciety ngoenzhaenx, beix-nuengx Duncuz aeu gij fuengsik Ranzdung daegbied haenx caeqbaiq mehsaenz Duncuz “Sahsui” gouz rumz swnh fwn yinz、vuenyungz youqnde.

(Banh Cisiengz/潘志祥 Vuz Swnghbinh/吴生斌)



▲ Boq aenvenz ciep hek.

Ningzmingz Cunch Siuj Hagdangz Cienzmienh Son Dwk “Gienzbyaraiz”

宁明中 小 学 校 全 面 普 及 “ 花 山 拳 ”



▲ Siujhagseng lienh Gienz-byaraiz.

3 nyied 24 hauh, Ningzmingz Yen Swlang Yangh Cungsim Siujyoz gyoengq hagseng sam nienzgaep cingq nyinhcaen lienh “Gienzbyaraiz”.

2016 nienz 6、7 nyied Lenzhozgoz Seiqgyaiq Yizcanj Veijyenzei yaek doiq Cojgyangh Byaraiz vehdat vwnzva gingjvanh guh daeuzbiuq biujiet baenz seiqgyaiq vwnzva yizcanj. “Gienzbyaraiz” dwg gyahaeuj Byaraiz vehdat yenzsu gaijbien baenz gig miz Loegvet vwnzva daegsaek, aeu lienhdang、henndang、guh’angq daengj comz youq itheij. Seizneix, Ningzmingz gak cunch siuj hagdangz gaenq cienzmienh son lienh “Gienzbyaraiz”, hawj gyoengq hagseng youq lienhdang doengzseiz, swnjcienz Loegvet Byaraiz vwnzva, bangcoengh Byaraiz vehdat sinhyiz.

(Couh Yizganh/周贻刚 Cinz Gveimeiz/陈桂梅)

Cauhbingz: Cien Bi Cingeq Baijyienj Geizbauz

昭 平：千 年 古 镇 上 演 旗 袍 秀

3 nyied 26 hauh, bouxgyaez geizbauz ndang daenj geizbauz youq Cauhbingz Yen Vangzyauz Cingeq gingjih guh baijyienj hozdung. Ngoenzde, 40 lai boux bouxgyaez geizbauz Hocouh Si Bouxgeq Dayoz youq Vangzyauz Cingeq baijyienj gij yinxdaeuz geizbauz, yienh’ok le guek raeuz conzdungj yisuz geizbauz vwnzva caeuq cien bi cingeq gairincamh、Mingz Cingh ranzgaeuq daengj yenzsu yungzhab, daiq ciengz vwnzva ngaizhoengh ndeu daeuj hawj hekyouz.

(Liuz Feih/L 刘 飞)



▲ Baijyienj geizbauz.